



Broj: 07-02-04-5309/23  
Sarajevo, 27.02.2023. godine

Na osnovu člana 7. stav 1. i člana 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 12/03, 34/03 i 65/13), člana 71. Zakona o turizmu ("Službene novine Kantona Sarajevo", br. 19/16, 31/17, 34/17 - Ispravka i 13/21) i člana 4. stav (1) Odluke o standardima i kriterijima za imenovanje predsjednika Turističke zajednice Kantona Sarajevo ("Službene novine Kantona Sarajevo", br. 15/17, 22/17 i 31/18), ministar Ministarstva privrede Kantona Sarajevo raspisuje

**JAVNI OGLAS**  
**ZA IMENOVANJE NA POZICIJU PREDSJEDNIKA**  
**TURISTIČKE ZAJEDNICE KANTONA SARAJEVO**

**I - Predmet javnog oglasa**

Raspisuje se Javni oglas za imenovanje na poziciju predsjednika Turističke zajednice Kantona Sarajevo.

Predsjednika Turističke zajednice Kantona Sarajevo imenuje i razrješava Vlada Kantona Sarajevo.

**II - Opis pozicije predsjednika Turističke zajednice Kantona Sarajevo**

Predsjednik Turističke zajednice Kantona Sarajevo predstavlja i zastupa Turističku zajednicu.

Predsjednik Turističke zajednice Kantona Sarajevo:

- a) organizuje, koordinira i usklađuje rad i aktivnosti Turističke zajednice u skladu sa Zakonom, Statutom i Programom rada Turističke zajednice,
- b) brine se o zakonitom i blagovremenom izvršavanju zadataka Turističke zajednice,
- c) pokreće i brine se o saradnji Turističke zajednice s drugim turističkim zajednicama i drugim tijelima sa zajedničkim interesom,
- d) zastupa Turističku zajednicu i poduzima sve pravne radnje u ime i za račun Turističke zajednice, u postupcima pred sudovima, upravnim i drugim državnim tijelima te pravnim osobama s javnim ovlaštenjima,
- e) odgovoran je za namjensko korištenje sredstava koja se vode u Turističkoj zajednici,
- f) usklađuje materijalne i druge uslove rada Turističke zajednice i brine se da poslovi i zadaci budu na vrijeme i kvalitetno obavljani u skladu sa odlukama, zaključcima i programom rada Turističke zajednice i njezinih organa, kao i finansijskim planom,
- g) odlučuje o radno pravnom statusu zaposlenika u turističkom uredu i Uredu za podršku turizmu i raspoređivanju zaposlenika na određena radna mjesta te o prestanku rada u skladu sa pozitivnim zakonskim i podzakonskim propisima te općim aktima organa Turističke zajednice,
- h) odlučuje o službenim putovanjima uposlenika Turističke zajednice,

- i) korištenju osobnih automobila u službene svrhe i o korištenju sredstava reprezentacije,
- j) predlaže organizaciju i sistematizaciju radnih mjesta Turističkog ureda i Ureda za podršku turizmu,
- k) odlučuje o povjeravanju pojedinih stručnih poslova trećim osobama ako ocijeni da je to neophodno potrebno i svrsishodno, a u cilju izvršavanja zadataka Turističke zajednice,
- l) potpisuje poslovnu dokumentaciju Turističke zajednice,
- m) obavlja i druge poslove utvrđene aktima skupštine, turističkog vijeća i nadzornog odbora.

### III - Mandat

Mandat predsjednika Turističke zajednice Kantona Sarajevo je četiri godine i može biti ponovno imenovan na još jedan mandat.

### IV - Uslovi za imenovanje

Za predsjednika Turističke zajednice Kantona Sarajevo može biti imenovan kandidat koji ispunjava sve opće i posebne uslove.

#### Opći uslovi:

- a) da je državljanin Bosne i Hercegovine (dokaz: uvjerenje o državljanstvu ili kopija CIPS-ove lične karte),
- b) da je stariji od 18 godina (dokaz: izvod iz matične knjige rođenih),
- c) da ima opću zdravstvenu sposobnost za obavljanje poslova predviđenih za tu poziciju (dokaz: ljekarsko uvjerenje),
- d) da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od tri godine od dana objavljivanja upražnjene pozicije (dokaz: izjava potpisana i ovjerena od strane nadležnog općinskog organa ili notara, ne starija od dana objave ovog Javnog oglasa),
- e) da se na tog kandidata ne odnosi član IX 1. Ustava Bosne i Hercegovine (dokaz: izjava potpisana i ovjerena od strane nadležnog općinskog organa ili notara, ne starija od dana objave ovog Javnog oglasa),
- f) da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u organima vlasti u Federaciji Bosne i Hercegovine ("Službene novine Federacije BiH", broj 70/08) (dokaz: izjava potpisana i ovjerena od strane nadležnog općinskog organa ili notara, ne starija od dana objave ovog Javnog oglasa).

#### Posebni uslovi:

- a) da ima univerzitetsku diplomu ili akademske kvalifikacije najmanje VII stepena stručne spreme, odnosno visoko obrazovanje prvog ciklusa koji se vrednuje sa 240 ECTS bodova ili drugog ili trećeg ciklusa Bolonjskog sistema studiranja - fakultet iz grupacije društvenih nauka ili fakultet iz grupacije prirodno-matematičkih i biotehničkih nauka ili fakultet iz grupacije humanističkih nauka (dokaz: univerzitetska diploma),
- b) najmanje pet godina radnog staža (dokaz: original uvjerenje izdato od nadležnog organa za penzijsko i invalidsko osiguranje),
- c) poznavanje engleskog jezika (dokaz o poznavanju engleskog jezika),
- d) da nije osuđivan za krivično djelo (dokaz: uvjerenje nadležnog MUP-a),
- e) da nije osuđivan za privredni prijestup nespojiv sa obavljanjem dužnosti predsjednika Turističke zajednice Kantona Sarajevo (dokaz: uvjerenje nadležnog suda),
- f) da se protiv njega ne vodi krivični postupak (dokaz: uvjerenje nadležnog suda),



g) da nema privatni finansijski interes u Turističkoj zajednici Kantona Sarajevo (dokaz: izjava potpisana i ovjerena od strane nadležnog općinskog organa ili notara, ne starija od dana objave ovog Javnog oglasa),

h) da ima pozitivne rezultate rada ostvarene tokom karijere (dokaz: potvrda ili uvjerenje ili preporuka poslodavca),

i) da nije na funkciji u političkoj stranci (dokaz: izjava potpisana i ovjerena od strane nadležnog općinskog organa ili notara, ne starija od dana objave ovog Javnog oglasa),

j) da nije stariji od 65 godina na dan imenovanja.

U postupku imenovanja na navedenu poziciju uzet će se u obzir i sljedeće:

a) poznavanje propisa iz oblasti turizma,

b) sposobnost za savjesno, odlučno i odgovorno obavljanje povjerene funkcije,

c) sposobnost nepristrasnog donošenja odluka,

d) sposobnost upravljanja finansijskim i ljudskim resursima,

e) komunikacijske i organizacijske sposobnosti i da je naklonjen timskom radu.

Prilikom utvrđivanja ili primjene standarda, Vlada Kantona Sarajevo neće vršiti diskriminaciju prema bilo kome na temelju rase, nacionalnog ili etničkog porijekla, boje, vjere, spola, bračnog statusa, porodičnog statusa, invalidnosti ili postojanja presude za koju je izrečeno pomilovanje.

## V - Potrebni dokumenti

Uz popunjenu i potpisanu prijavu na ovaj Javni oglas, koja se nalazi na web stranici Ministarstva privrede Kantona Sarajevo web: <http://mp.ks.gov.ba>, kandidat obavezno dostavlja (u originalu ili fotokopiji ovjerenoj od nadležnog općinskog organa ili notara) sljedeće potrebne dokumente:

1. Biografiju,
2. Uvjerenje o državljanstvu ili kopiju CIPS-ove lične karte (original ili ovjerena kopija),
3. Izvod iz matične knjige rođenih (original ili ovjerena kopija),
4. Izjavu da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od prethodne tri godine od dana objavljivanja upražnjene pozicije (potpisanu i ovjerenu od strane nadležnog općinskog organa ili notara, ne stariju od dana objave ovog Javnog oglasa),
5. Izjavu da se na njega ne odnosi član IX 1. Ustava Bosne i Hercegovine (potpisanu i ovjerenu od strane nadležnog općinskog organa ili notara, ne stariju od dana objave ovog Javnog oglasa),
6. Izjavu da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u organima vlasti u Federaciji Bosne i Hercegovine ("Službene novine Federacije BiH", broj 70/08) (potpisanu i ovjerenu od strane nadležnog općinskog organa ili notara, ne stariju od dana objave ovog Javnog oglasa),
7. Univerzitetsku diplomu (original ili ovjerena kopija),
8. Uvjerenje o traženom radnom stažu (original izdato od nadležnog organa za penzijsko i invalidsko osiguranje),
9. Dokaz o poznavanju engleskog jezika (original ili ovjerena kopija),
10. Uvjerenje nadležnog MUP-a da kandidat nije osuđivan za krivično djelo (original ne starije od 6 mjeseci),
11. Uvjerenje nadležnog suda da kandidat nije osuđivan za privredni prijestup nespojiv sa obavljanjem dužnosti predsjednika Turističke zajednice Kantona Sarajevo (original ne starije od 6 mjeseci),



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-122, Fax: + 387 (0) 33 562-226

Web: <http://mp.ks.gov.ba>, E-mail: [mp@mp.ks.gov.ba](mailto:mp@mp.ks.gov.ba)

3/5

12. Uvjerenje nadležnog suda da se protiv njega ne vodi krivični postupak (original ne starije od 6 mjeseci),
13. Izjavu da nema privatni finansijski interes u Turističkoj zajednici Kantona Sarajevo (potpisanu i ovjerenu od strane nadležnog općinskog organa ili notara, ne stariju od dana objave ovog Javnog oglasa),
14. Potvrdu ili uvjerenje ili preporuku poslodavca o pozitivnim rezultatima rada ostvarenim tokom karijere (original ili ovjerena kopija),
15. Izjavu da nije na funkciji u političkoj stranci (potpisanu i ovjerenu od strane nadležnog općinskog organa ili notara, ne stariju od dana objave ovog Javnog oglasa),
16. Izjavu kandidata kojom daje saglasnost da Ministarstvo privrede Kantona Sarajevo po službenoj dužnosti može pribaviti dokaze o ispunjavanju posebnih uslova iz tač. d), e) i f) iz Javnog oglasa za imenovanje na poziciju predsjednika Turističke zajednice Kantona Sarajevo (potpisanu i ovjerenu od strane nadležnog općinskog organa ili notara, ne stariju od dana objave ovog Javnog oglasa),
17. Izjavu kandidata kojom daje saglasnost da Ministarstvo privrede Kantona Sarajevo i Komisija za izbor po Javnom oglasu za imenovanje na poziciju predsjednika Turističke zajednice Kantona Sarajevo, mogu obrađivati dokumente kojima se dokazuje njegov lični identitet shodno odredbama Zakona o zaštiti ličnih podataka ("Službeni glasnik BiH", br. 49/06, 76/11 i 89/11) (potpisanu i ovjerenu od strane nadležnog općinskog organa ili notara, ne stariju od dana objave ovog Javnog oglasa).

#### **Napomena:**

Prije imenovanja na poziciju predloženi kandidat dužan je da dostavi ljekarsko uvjerenje da ima opću zdravstvenu sposobnost za obavljanje poslova predviđenih za tu poziciju, dok dokaze o ispunjavanju posebnih uslova iz tač. d), e) i f) ovog Javnog oglasa za predloženog kandidata pribavlja Ministarstvo privrede Kantona Sarajevo po službenoj dužnosti, prije imenovanja kandidata na poziciju. Ukoliko predloženi kandidat ne dostavi ljekarsko uvjerenje, predložit će se sljedeći najuspješniji kandidat sa rang-liste sa najboljim kandidatima, koji je također prije imenovanja na poziciju dužan da dostavi ljekarsko uvjerenje da ima opću zdravstvenu sposobnost za obavljanje poslova predviđenih za tu poziciju. Ukoliko se za predloženog kandidata ne pribave dokazi o ispunjavanju posebnih uslova iz tač. d), e) i f) ovog Javnog oglasa ili se utvrdi da ne ispunjava uslove po ovim osnovama, predložit će se sljedeći najuspješniji kandidat sa rang-liste sa najboljim kandidatima, za kojeg također navedene dokaze pribavlja Ministarstvo privrede Kantona Sarajevo po službenoj dužnosti, prije imenovanja kandidata na poziciju.

#### **VI - Rok za podnošenje prijave na Javni oglas**

Rok za podnošenje prijave sa svim potrebnim dokumentima iz tačke V ovog Javnog oglasa je 15 dana od dana posljednjeg javnog objavljivanja. Javni oglas će biti objavljen u „Službenim novinama Federacije BiH“, dnevnom listu „Dnevni avaz“ i na web stranici Ministarstva privrede Kantona Sarajevo web: <http://mp.ks.gov.ba> .

#### **VII - Ostale napomene**

Svi kandidati koji budu stavljeni na listu sa užim izborom biće pozvani na intervju pred Komisijom za izbor koju imenuje Vlada Kantona Sarajevo. Prije intervjuja kandidati su dužni dati podatke o ranijim neposrednim rukovodiocima od kojih se mogu dobiti preporuke i informacije o kandidatima i ispuniti obrazac u kojem će iznijeti bilo koje pitanje ili mogućnost koja bi mogla dovesti do sukoba interesa u slučaju da dođe do njegovog imenovanja. Obrasci će se ispuniti neposredno prilikom intervjuja.



Ni jedan kandidat neće biti stavljen na listu sa užim izborom ukoliko nije povoljno ocijenjen prema kriterijima za imenovanje. Sve informacije u toku postupka kandidovanja su transparentne, osim ako informacije o podnosiocima prijave nisu povjerljive u smislu Zakona o zaštiti ličnih podataka ("Službeni glasnik BiH", br. 49/06, 76/11 i 89/11). Nakon intervjua, Komisija za izbor će predložiti rang-listu sa najboljim kandidatima odgovornom javnom službeniku na daljnje razmatranje. Kandidati koje nakon intervjua preporučí Komisija za izbor, smatrat će se da su najuspješnije prošli otvorenu konkurenciju.

U slučaju kada postoje dokazi da principi utvrđeni u članu 3. Zakona o ministarskim, vladinim i drugim imenovanjima Federacije Bosne i Hercegovine ili postupci nisu ispoštovani, zainteresirana stranka može podnijeti prigovor na konačno imenovanje. Prigovor se podnosi ministru privrede Kantona Sarajevo, a kopija se dostavlja Ombudsmenu za ljudska prava Bosne i Hercegovine.

Prijave na Javni oglas sa svim traženim dokumentima se dostavljaju lično ili poštom preporučeno na adresu: Ministarstvo privrede Kantona Sarajevo - Komisija za izbor, Sarajevo, ul. Reisa Džemaludina Čauševića broj 1, prizemlje, uz naznaku na koverti: "**Prijava na Javni oglas za imenovanje na poziciju predsjednika Turističke zajednice Kantona Sarajevo – NE OTVARAJ**". Na poleđini koverta navesti ime i prezime podnosioca prijave, adresu i kontakt telefon.

Obrazac prijave na Javni oglas može se preuzeti sa web stranice Ministarstva privrede Kantona Sarajevo <http://mp.ks.gov.ba>.

Nepotpune, neblagovremene i neuredne prijave neće se uzeti u razmatranje.



Ime (ime oca) i prezime

Adresa

Telefon

**MINISTARSTVO PRIVREDE KANTONA SARAJEVO**

**Komisija za izbor**

**PREDMET: Prijava na Javni oglas za imenovanje na poziciju predsjednika Turističke zajednice Kantona Sarajevo**

Prijavljujem se na Javni oglas za imenovanje na poziciju predsjednika Turističke zajednice Kantona Sarajevo.

U skladu sa ovim Javnim oglasom uz prijavu prilažem (original ili ovjerenu kopiju) sljedeću dokumentaciju (zaokružiti broj):

1. Biografiju,
2. Uvjerenje o državljanstvu ili kopiju CIPS-ove lične karte (original ili ovjerena kopija),
3. Izvod iz matične knjige rođenih (original ili ovjerena kopija),
4. Izjavu da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od prethodne tri godine od dana objavljivanja upražnjene pozicije,
5. Izjavu da se na njega ne odnosi član IX 1. Ustava Bosne i Hercegovine,
6. Izjavu da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u organima vlasti u Federaciji Bosne i Hercegovine ("Službene novine Federacije BiH", broj 70/08),
7. Univerzitetsku diplomu (original ili ovjerena kopija),
8. Uvjerenje o traženom radnom stažu (original izdato od nadležnog organa za penzijsko i invalidsko osiguranje),
9. Dokaz o poznavanju engleskog jezika (original ili ovjerena kopija),
10. Uvjerenje nadležnog MUP-a da kandidat nije osuđivan za krivično djelo (original ne starije od 6 mjeseci),
11. Uvjerenje nadležnog suda da kandidat nije osuđivan za privredni prijestup nespojiv sa obavljanjem dužnosti predsjednika Turističke zajednice Kantona Sarajevo (original ne starije od 6 mjeseci),
12. Uvjerenje nadležnog suda da se protiv njega ne vodi krivični postupak (original ne starije od 6 mjeseci),
13. Izjavu da nema privatni finansijski interes u Turističkoj zajednici Kantona Sarajevo,
14. Potvrdu ili uvjerenje ili preporuku poslodavca o pozitivnim rezultatima rada ostvarenim tokom karijere (original ili ovjerena kopija),
15. Izjavu da nije na funkciji u političkoj stranci,
16. Izjavu kandidata kojom daje saglasnost da Ministarstvo privrede Kantona Sarajevo po službenoj dužnosti može pribaviti dokaze o ispunjavanju posebnih uslova iz tač. d), e) i f) iz Javnog oglasa za imenovanje na poziciju predsjednika Turističke zajednice Kantona Sarajevo,
17. Izjavu kandidata kojom daje saglasnost da Ministarstvo privrede Kantona Sarajevo i Komisija za izbor po Javnom oglasu za imenovanje na poziciju predsjednika Turističke zajednice Kantona Sarajevo, mogu obrađivati dokumente kojima se dokazuje njegov lični identitet shodno odredbama Zakona o zaštiti ličnih podataka ("Službeni glasnik BiH", br. 49/06, 76/11 i 89/11).

**Napomena:**

Sve naprijed navedene izjave kandidata moraju biti potpisane i ovjerene od strane nadležnog općinskog organa ili notara, ne starije od dana objave ovog Javnog oglasa.

Podnosilac prijave

Sarajevo, \_\_\_\_\_ 2023. godine